


特別
18
3414
13





門 18
號 3414
卷 13

御訂全金詩增補中州集卷四十五

金元好問原本

李俊民二 以下從鶴鳴老人全集補入

蕭權府三害圖

長橋之蛟南山之虎在彼州曲父老所苦豈獨若
此亦有周處周乃慨然恥聞斯語薄險投深躡躍



健武爾蛟旣除爾虎旣去周乃自勵履規蹈矩
以將種效忠典午按劍西平貞節克舉瑕以瑜掩
過以功補身雖云亡名播千古

止姚亞之割羊

養生之鞭隴種之苗欲魯去朔在齊聞韶咄嗟老
饕腹如瓠枵踏破菜園合喫藤條

焦天祿野叟聽音圖

梨園弟子天寶之後誰其知音百歲遺叟曲終悵

然淚迸林藪時清眼明萬事緘口

唐叔玉韋生臥虎圖

梁鴛之養或失其時曹公之肉不救其饑羊質而
皮狐假而威誰能於此辨是與非

學中史正之會客

有懷伊人在泮飲酒我客戾止其嘗旨否未見君
子我心孔疚惠然肯來小大稽首

煙江絕島圖

江風不波峭壁森立冥冥飛鴻翔而後集

雙松古渡圖

傾蓋相逢堂堂兩公寂寥渡口以濟不通

古栢寒泉圖

冬夏長青晝夜不捨拔本塞源豈知量者

紙扇

竹疏而骨楮剝而膚權以行巽風乎坐隅

櫻扇

直節貫中怒髮衝上朝蠅莫蚊畏風長往

成之夜談省庭新事

偉哉青雲器底蘊莫能見開口論利害坐客服雄
辯汪汪江海量氣不許黃憲從來布衣願一擲輕
百萬投瓜必報瓊豈望在焚券雖承雨露恩慷慨
輒自獻與其便於已孰若於國便蓋嘗推此心天
下欲兼善儒家惟有孟日夜講不倦儻以利爲利
請看貨殖傳

復和

驅馳戎馬閒太平不復見往往談雋永寧許齊士
辯有田宜早歸奪恐遭竇憲再三欲買隣愧我無
千萬難倩沽酒奴待立便了券籌堂天下士風度
邁義獻別後曳裾人造門恨無便握手再相逢虛
左待益善平生身口累老大折腰倦莫訝陶先生
自作五柳傳

鎮山堂

崢嶸屋下城突兀城上屋初看頗驚眼再見堪捧
腹能無鬼神笑可奈瘡痍俗不哀梁閒叟欲竭南

山木

稽康淬劍池

尋常論養生未得養生說擬從林下游一書交盡
絕旣無當世志安用三尺鐵頻頻石上磨神光浸
秋月可憐麤疎甚自謀何太拙危絃發哀彈幽憤
終莫洩死留身後名有愧侍中血

樊噲戲石

丈夫氣慷慨隱迹在東市或逢逐鹿人乃棄屠狗
事壯哉鼓刀勇傍若舞劍地遂推拔山力自歎時
不利至今空山石傳是將軍戲能興卯金運頗與
黃石類不期兩都後復有三國志過客對春風徒
灑山陽淚

寄籌堂

老爲人所憐貧恨友獨寡等閒門外車盡入宰肉
社欲隨射虎將爭奈無匹馬安得化爲雲四方逐
東野大庇天下士擬作萬閒廈顧我蓋頭茅寧肯
助一把非無問舍心或恐臥牀下縱有願留人有
館不能假還因索居久往往罪商也須待舍館定
然後見長者

廟學落成

斯文天未喪吾道有時厄方嗟鳳兮衰遽歎麟也
獲繼遭秦焚書又被魯壞宅邇來天下事多自馬

上得不修下車禮不獻在泮馘不授羽林經不講
博士席旁若沒字碑肯見一縫掖偶因長樂老盡
挾兔園冊及見中選人始知爲學益學者如牛毛
自古數獲澤連年取青紫易於地芥拾爭將逸駕
攀遂向塞路闢揮之無倚門從者皆入室肅肅俎
豆風洋洋絃歌邑幾時復論秀四海望偃伯
嚮者誰世無秋風客

德老栽花成竹

芍藥花

物性隨所移歲晚氣自變失卻本來身還於身外
見得參玉版禪如對菩薩面叢林一花祖派入香
嚴傳

劉漢臣堂甫北歸

哀哉同隊魚盡在古池裏縱免鼎中烹將見渴欲
死造物何不仁豈獨困二子我雖江湖心恨無斗
升水

史遂良索詩

立身有道邦誰似直哉史流傳百世後各各異行
止許史有何厚在漢勢如彼安史有何薄在唐亂
如此人之賢與愚皆爲類所使近從儕輩中偶得
一狂士未能通一經謂可拾青紫時時出俚句技
癢不自己只恐落調歌難入知音耳縱橫言世事
不顧刺舌恥焉知阮嗣宗口不挂臧否年高鬢如
雪鄉曲所不齒試與阿戎談咄哉犁之子

男牛子

留別李巽之

癸卯三月十七日癸巳

嗟嗟平生交所恨不耐久幾年戎馬閒太半正丘
首憶初識君面同門皆小友倏忽五十春相見成
老叟淹淹泉下人樹拱骨已朽崎嶇見在身何幸
得此壽感慨歲云晚哀淚迸林藪古今均一夢萬
事副杯酒

司諫許道真徵復圖

君不見退休綠野平淮相靈臺不許丹青狀又不
見五湖歸去鴟夷槳越人爭鑄黃金像功成身退

全金詩卷四十五
七
天之道道直天憐去官早鹽梅須借築巖人羽翼
重來採芝老袖中諫草力回天害除利輿車載懸
何憂不識荊州面圖畫如今處處傳

雨雹

庚子年四月二十八日壬戌大雨雹五月七
日八日又雹按左傳昭公四年魯大夫申豐
曰聖人在上無雹雖有不爲災以古者藏冰
爲禦雹之道祭寒而藏之獻羔而啟之今棄

而不用雹之爲災誰能禦之由是言之禦災
其在人乎感而賦詩傷今之不如古也

按月令仲夏行冬令則雹凍傷穀注子之氣
乘之也陽爲雨陰起脅之以爲雹

雲龍失守元氣乖隱隱愁聽狂車雷須臾飄驟不
成雨一天風雹從何來交橫散落星石隕紛霍迸
擊冰山摧坳平忽訝坑谷滿坳起俄作丘陵堆驚
忙飛走殘天斷喪枝葉枯根芟穿窻入戶彈相

射填街溢巷把莫推恢恢難補天網漏凜凜欲壓
 坤軸頽一方生理遭殄瘁造物不恤空自哀是時
 仲夏行冬令誰把四序顛倒催雖有舜絃愠不解
 孰謂鄒律春能回陽雖位降乾道在一陰纔進力
 可排履霜之漸此其始司寒挾黨結禍胎春秋大
 小百餘國獨向魯地三為災左傳僖公二十九年
 昭三年昭四年大雨
 世閒萬事豈不見那用區區書觀臺我思天變
 豈徒爾以象告人當自裁

鼎齋

司馬景仁因病瘥而得腹疾鼎齋療之而愈

因索詩為賦

茂陵千載文園客流傳耳孫猶病渴引飲自嫌江
 海窄家無麴蘗奈腹疾水帝之魂成水厄女丁婦
 壬不相德始圖一漑滋湯旱卒見九河歸禹畫嘗
 聞秋夫曾療鬼大勝扁鵲能起死君不見上醫可
 醫國異哉鼎齋堪鼎食

兒輩剡木作匙

一震之威乃如此坐閒或失將軍匕不能更染公
子指有意欲割崑奴耳小兒造物窮物理斗柄之
揭如其尾雖然劍頭有炊米又愁遇著捩手鬼

聞蔡州破

甲午年正月十日巳酉

不周力摧天柱折陰山怨徹青冢骨方將一擲賭
乾坤誰謂四面無日月石馬汗滴昭陵血銅人淚
泣秋風客君不見周家美化八百年遺恨黍離詩

一篇

和秦彥容韻

彥容寄詩有先生高見真吾師速營菟裘猶
恨遲窓明炕煖十笏地松風蕭蕭和陶詩山
野已尋雲外路直入天臺最深處踏開李愿
舊游蹤請君自草盤谷序之句故依韻和

養賢列鼎手自烹爨調元化和如羹馬蹄一蹙燕
地裂瓊裘尚拂陰山雪將軍表請願出師壯士戈

金鑑詩卷四十一
十一
揮惟恐遲武成纔試二三策黍離已見閔周詩縱
橫門外豺狼路我老此身無著處君不見平淮十
萬兵猶向襄陽守失序

見征淮漢

君不見子幼自勞羔日烹何如命駕季鷹吳中煮
蓴羹又不見姜侯設鱸鑿冰裂何如徒步拾遺長
鑱黃獨雪幸遇南來董鍊師說似壺天日月遲謫
仙之游乃非謫長安道上斗酒百篇詩蒲輪休指
商山路得到白雲採芝處諸生待揖隆準翁馬上

未遑事庠序

獵犬已爲兔死烹猶向漢俎分杯羹脚靴手板凍
欲裂尚立唐堦沒膝雪三寸舌爲帝者師終比赤
松見事遲相看一笑在目擊何用左思招隱詩出
門便是天壇路雲間指點巢仙處不辭杖履從子
游王者之後養老在西序

時寄王子榮西齋

穀因辟後厭鼎烹那在丘嫂轅釜羹冠未挂前已
先裂一簪卻上山頭雪我雖無師心我師速修何

恨下手遲論中自得養生理筆底盡是游仙詩休
向回車問前路終須有箇安排處晴窓點檢白雲
篇不知誰爲作者序

不嫌瓠葉日猶烹不羨公子染指爭鼃羹不把荷
衣等閒裂不羨曹人共服麻如雪愛身肯似賤場
師凡骨只愁輕舉遲北山未出移休勒東老雖貧
樂有詩望中雲海蓬萊路誰道樂天無歸處一千
年鶴再來時行鴈難將兄弟序

暴雨

秋夜暴雨上漏下濕終夕不寐因得鄙句奉
呈

疾雷破山雲暗天雨脚不斷如麻懸淋浪一室無
乾處何異露坐乘漏船鼠牙便是潰隄蟻牆有百
道飛來泉狂客豈因狂藥使眼花如落井底眠採
石江頭弄明月一夕去作騎鯨仙我雖忘我亦可
憐但恐不免蛟龍涎苦無根源笑潢潦可能朝宗

東注覓海道君不見耒陽禹力所不到至今難尋
杜陵老

剝蓮蓬

相將去採秋江蓮青房戢戢實且圓倒靛收葍亦
可喜春筍未剝空流涎玉井有花開十丈至今依
舊藕如船試索綠莖不尋藕與誰共此從巢仙

遼漆水郡王降虎

陳仲和之遠祖

秋風漸高秋草衰空山校獵千騎圍突然有物勢

鷲猛萬里侯相食肉肥橫行妥尾不畏逐挾似
有百步威當時扈從懦於鼠雖欲下車人共非將
軍一奮躍身出氣雄志勇捷若飛攘臂搏虎虎負
去須臾皮擒虎歸北方銳兒皆好武無愧匹馬
及短衣聲名赫赫振前古欲笑馮婦膽力微胙田
命氏恩澤異至今漆水生光輝君不見射石李廣
一箭亦可喜死不封侯知者希

遺善堂

雪巖老人欲其子孫之善何如是諄諄也哉
有子仲賢以其遺命書之於堂訂曰遺善遵
而行之朝夕於是其命之使行者不敢不行
其所行者皆善事也命之使不行者不敢行
其所不行者皆不善事也非惟不失士君子
之行其孝子之心何時而已耶噫處世兵革
之間不忘於善亦所未聞故喜而爲之詩

君不見遺子韋侯只一經相門出相那在金滿籬
又不見燕山教子以義方靈椿老去五枝丹桂芳
破散錢堆一百屋紫微不願有子如窟郎陷爲天
下輕薄子伏波不願有子學季良身前身後事茫
茫我恤我躬猶未遑長把賢愚挂懷抱請看積善
之家遺善堂

贈出家張翔卿

翔卿河內人也籌堂毀其簪冠使復儒業昔
唐李素拜河南少尹呂氏子杲棄其妻著道

士衣冠謝母曰當學仙王屋山去數日復出
閒詣公公立之府門外使吏卒脫道士冠給
冠帶送副其母事類翔卿故書

大袖斜襟麤布袍髻丫撐似彌明高滑稽自謂世
可玩清淨不守形徒勞百年光景已強半容易便
把青春拋欲向蓬壺尋福地奈何龍伯釣後負山
無海鰲欲駕天風朝帝闕奈何巫陽去後九虎守
關牢養生未獲一漑力那忍遽絕平生交但令造

物哀正直豈肯屈曲從仙巢留侯學道欲輕舉尚
且強食扶金刀安期當年本策士意氣直謁扛鼎
豪平地作仙亦不惡或恐上界官府名難逃君不
見醉吟居士不歸海上山又不見昌黎先生屈曲
自世閒况非出塵風骨羽化難夜久白日守天關
黃庭正恐坐誤讀鐵鎖縱垂那可攀我笑學仙王
屋著道冠只待河南李侯脫去然後還

籌堂燕

籌堂梁上巢燕將雛幾墮鼠計飛鳴哀訴者
久之主人得其情而護焉卒無所害夫舐犢
之愛物物皆爾感而爲之賦且以戲克紹

陰陰池館落花泥出入通家獨見知曾遭江上淘
河嚇又被巢邊野雀欺且欺且嚇亦不惡奈有鼠
輩窺其兒兒方在卵卵何危哀鳴若訴奚勝悲主
人能得腹中事百計護持彼毒無所施羽毛養就
刀剪齊雄雌相隨引雛飛尋常百姓家汝巢非汝
宜春兮來秋兮歸莫忘烏衣巷裏時

趙倅司馬山謝雨

乙未歲旱自春徂夏五月丙申澤倅趙公唐
齋沐潔誠就司馬山祈禱八日庚子大雨年
穀遂登民物安逸累獲嘉應次年丁酉孟夏
巳丑公與本郡僚屬父老人等具牲幣酒醪
簫鼓之禮仰答神休仍求嗣歲祭畢聊識歲
月云耳

去歲不雨民憂深愆陽亢甚多伏陰冥冥造物豈
難料感以志誠神所歆我公默禱若響應出岫誰
謂雲無心天瓢疑是池中水三日以往皆爲霖淋
漓元氣滿人望解愠何止薰風琴家家豚酒樂豐
歲空山鼎沸簫鼓音春祈秋報有常典仰荷靈貺
如桑林

四舍人生日

驥之子鳳之雛精彩丰容美且都年至十二三頭

角已異同隊魚積善之家慶有餘掌中幸得雙明
珠定知他日必充間不妨更讀古人書絳帳先生
當今之範模步亦步趨亦趨執經北面預先講唐
虞明主何嘗不用儒相門出相文可無豈獨手撚
金僕姑能騎生馬駒然後稱爲大丈夫

贈儒醫卜養正

孰親如身在所慎一病能惱安樂性囊中探丸起
九死以其病病人不病豈獨和扁號神聖能於鬼

手奪人命嘗聞上醫可醫國何不使權造物柄

樊氏昆仲懶窠

君不見讀書邊孝先謂師可嘲何典記又不見梁
州陰子春足不肯洗恐敗事何須向人說道理養
得疎慵性如此擺手便行誰家子嵩洛之間兩居
士未嘗點檢形骸外挂角羚羊心已死問之非漁
亦非樵人言似癡還似高叔夜自知不堪七以書
遂絕平生交一官從此束高閣賴是天教閒處著

時人爭賦懶窠詩我羨懶窠詩不作

壬申歲旱官爲設食以濟饑民

千里地赤澤未霑驕陽爲沴烈火炎就中秦頭晉
尾旱魃所棲託十室九室突不黔撐^賜一飽豈易
得咀嚼草木如薺甜山川課雲職不舉無奈風伯
號令嚴民是天民天自恤何時霹靂起龍潛

男楊洗兒 十九歲

自慙無德爲兒父今朝把酒爲兒壽爲兒今賦洗

金鑑詩卷四十五
兒詩願兒他日於兒厚我猶不恤况我後委蛻自
天汝非有速宜修德大吾門無復童心年十九

兒歸來

禽名

兒歸來兒歸來百年郎罷恨何日寧馨回東去但
除嚴母墓望思空築茂陵臺兒歸來兒歸來一聲
未盡一聲哀

贈郭顯道醫

惡石聚散元氣樸本草搜剔造化窟俱收並蓄籠
中物山精水怪藏不得休言魄爲天所奪入其手
者命可活須防姮娥去奔月大勝扁鵲能起虢君
不見錢子飛藥不敢施爲鬼脅

和答董用之

將軍死戰血染衣空山白骨鬼夜啼洗兵正要及
時雨天禍未悔無雲霓臥龍不起主張漢獵犬待
烹僥倖齊就中儒冠身多誤如坐矮屋頭常低敢
將龍鍾哀造物但幸老大能扶犁咄哉董生三寸

金鑑詩卷四十五
舌善謔不思爲虐今人閒回首憂患始去之不速
將噬臍

再和秦彥容韻

屢屢歌後伏雌烹箸猶未下愁覆羹布衾多年踏
裏裂夜半寒窓灑風雪待與重尋痛飲師東山杲
杲日出遲撐腸拄腹文字五千卷一字不入高人
詩幾年不踏紅塵路直入白雲最深處君不見洛
陽城下來歸鬼一夢思鄉歎溫序

答祁定之韻

黃菊催秋莫青山勸客歸事隨時漸改人與物皆
非爽氣收殘暑閒雲送落暉平生會心侶別後往
來稀

遊太平泉

稍有林泉興相陪杖履遊百年人易老千種事堪
愁是處花無主誰家酒可篋芳時好行樂春去不
能留

宿夾谷彥實菴

挂名仙籍上晦跡茂林間門外丹河水墻頭明月
山境隨心自遠人與話俱閒應笑紅塵客區區漫
往還

河橋成

橋成有日必有佳句寫河上逍遙之興贈子
榮及督役楊成之

河廣思同濟天寒怕涉冬冰雖將自合船尚不宜
從柱引來歸鶴淵藏未躍龍一編圯上叟千載願
相逢

勢截長河浪橫陳百步梁經營方斷手過涉不寒
裳漫惜千金瓠休誇一葦航西風簫鼓咽奠酒水
仙堂

癸巳冬至

昔愁天紀亂依舊日南時氣本自然應策今誰可
推每懷添線女還憶覆杯兒偃蹇無歸計天涯兩

鬢絲

歲以四時成氣自一陽始雖然廢義職那可亂軒
紀人生幾寒暑天道頻甲子徒嗟潦倒身汲汲百
年裏

任仲山弄璋

奕世多陰德傳家得寧馨人間熊有夢天上昴無
星喜洽犀錢座光生玉樹庭鍾情笑盧老白髮望
添丁

五哥生日

落落青雲器天然骨骼奇自從懷橘後每恨學書
遲仝樂憐荆樹相煎笑豆箕氣豪常自許躍馬是
男兒

代四哥贈

相戒南陔養長看花萼輝義深姜季被恩重老萊
衣隊似魚同戲行如鴈共飛讀書當自勉繼取錦
堂歸

四哥生日

秀出三株樹芳聯五桂枝杜家憐驥子徐氏種麟
兒已有高門望方當志學時一杯添壽酒滿酌不
須辭

寒食

爲戀風光好那堪節物催事隨浮世往花似去年
開莫灑無家淚須傾有限杯詩人多少興都向醉
中來

九日下山

宰肉陳平社折腰元亮鄉車無門外轍菊與徑皆
荒所恨國難守若爲家不亡天威寒氣逼急急下
山陽

王生壽日

幾度縣弧節當年琢玉郎徐行知禮讓幼學愛文
章莫厭魚同隊休隨燕入堂睂閒色多喜禁巒近
東牀

遊青蓮

閒攜方外友同謁梵王宮
山吐三更月松搖萬壑
風流年飛鳥過浮世落花空
不有歸來興何能見
遠公

遊碧落

巳亥仲夏十有九日平水曹漢卿楊子平本
郡李鑑臣劉濟之君祥姚子昂史遂良仝謁
治平院與上人和霽月煮茗道話抵暮而歸

寂歷松閒寺臨流勝槩藏
斷雲開石壁橫吹爽溪
堂謾語詩情在留連道話長
行人貪弔古歸路半
斜陽

御訂全金詩增補中州集卷四十六

金元好問原本

李俊民三

食芡

池底休鋪錦鷄頭自有栽柔中皆水性剛外乃天
才精彩惟魚目珠圓出蚌胎坐閒咄嗟致不似荔

枝來

潁陽元道人虛白菴

有山心可算有水耳堪洗飄飄元逸人寓意在山
水勘破人間世不聽心與耳一室虛生白自得吉
祥止

八日登山同謁吳王祠

四月

老樹凋殘盡靈祠寂歷中古今時易改幽顯意能
通歲享屢登樂俗追三讓風送迎人散後日落亂

山空

陽城懷舊

呈陽敬之燕子和李文卿

路梗傷時事春歸感物華風波千萬丈烟火兩三
家樹杪失巢燕牆根無主花當年人不見何處是
生涯
道途行處惡故舊別來稀澗口分流水林梢挂落
暉好山留客住幽鳥背人飛門外秋光老征鞍尚
不歸

上長平寄楊成之

衰遲長在外矍鑠愧征鞍世路驚心惡天風刮面
寒迢迢人漸遠冉冉歲將殘今夜梅梢月同誰共
倚欄

河陽呈苗簡叔

妖氛長斗北殺氣尚河東人物不如古地圖祗自
雄三城環野水二麥卧天風多少逃亡屋荒涼晚
照中

卽事

炎涼愁裏過陵谷暗中遷素拙生生計每耕下下
田爲嫌頻告糴却恨不逢年門外催租吏長妨對
聖賢

中秋對月

雲山懷素隱秋興暫來歸月與人同醉星隨客漸
稀入河蟾不沒遶樹鵲何依浩氣凝光界瑤臺夢
欲飛

山中寄張漢臣李廣之

枳棘非所棲繫匏焉不食未黔墨子突又奪伯氏
邑一年三褫服半歲兩塗敕歸去來山中無喪亦
無得

經童

盈門修鄭檢同隊執韋經蘇子應千里徐兒尚九
齡鴈行成次序鸞語太丁寧堪笑西城老朝朝酷
教刑

自遣

居閒聊自適造物果何如生理年年拙交情日日
疎吹猶聞跣犬技可笑黔驢誰識徘徊意西山有
舊廬

小旱雲而不雨

阿香誰使送雷聲敢望天瓢一滴分恨魃長爲周
地虐憫庭幾被魯人焚風吹海立垂垂雨澤與山
通處處雲何事卧龍猶不起得微往見葛陂君

注山谷得微往從董父餐寧當罪繫葛陂

淵

復用韻

區區布穀不停聲安得銀河水半分湯稼未應枯
後漑周川豈獨旱如焚是誰主當知時雨有底商
量出岫雲造物不爲天下計只將花事了東君

十六日雨

平地俄驚霹靂聲老龍功過此應分不知東海因
誰祭却笑西華欲自焚四面蔽虧無日月百神奔
走會風雲時人那識天公事一漑惟知有巨君

王子榮過家上冢

暫領元戎小隊行盡驅春色入山城蔥蔥佳氣隨
軒蓋嫋嫋高風卷旆旌題柱橋邊男子志散金閭
里故人情貴游前後知多少不使堂虛畫錦名

州有

畫錦堂

用趙之美留別韻

平生藏器待何時除卻荊州不可依預報行人應
鵲噪相將送客有花飛鴈從去後弟兄少罵未來
時朋友稀不盡赤心今日話東山無以我公歸

重午偶題

龍鍾歎我百年身幾見山城節物新水荇長如牽
翠帶石榴半似蹙紅巾可憐今日依劉客便是當
時弔屈人誰道南來風解愠試從比屋問吾民

春日

白頭不奈隙駒催慣飲屠酥最後杯百歲無多偏
晝短一年將盡又春來東君得地權終在北斗隨
天柄已回造物却還真宰手衆人今後試登臺

和參謀李舜舉

平步青雲感遇初試看傾蓋氣何如橘皮應笑陳
人榜雋永爭談辨士書夢鹿果能誰得鹿知魚未
必子非魚青山馬上多詩句北斗以南名不虛
一怒王師弔伐初堂堂人物古誰如劍頭何患無

全金言卷四十六
六
炊米楯鼻多應有檄書盡道公孫能躍馬應憐學
士獨焚魚旌旗未度長河水千騎元戎已擣虛

和東菴孔安道韻

淡泊生涯共一堂杖藜踏遍水雲鄉不妨廬結在
人境應念客來從遠方三笑可無陶靖節八仙宜
得賀知章袖中時出烟霞語習氣師兄亦未忘

五舍人生朝

積德高門慶有餘隔年記得掌中珠清新月窟兩

經爲補亾誰是熙熙堂上客近來老子也和光

和卽事

擬將唾手取封侯世事那禁種種愁未可搏他馮
婦虎終須享此景升牛但知勿翦甘棠在莫爲難
圖蔓草憂自古貴人天所予定教名字到金甌

和新秋

簾捲西山雨乍停自知時節候蟲聲新涼邂逅如
佳客殘暑留連似宿醒可見韓檠燈下志且憐班

扇篋中情若爲解得吾民愠更鼓南風一再行

寄史正之

往來門下亦風流分得籌堂幾許憂剛甚養他橫
槩馬何如了取濟川舟人還忌器休投鼠誰爲蹊
田欲奪牛聞早抽身閒處著不妨仍帶醉鄉侯

聞捷音招王德華吳天章等出山

紅塵一騎報平安知是元戎小隊還且喜好音來
汴水仍將舊事問潼關橫雲自護車箱澗落日空

銜箭箬山只恐膏肓歸不得早隨春色到人間

用之次韻復答

小齋飄雨注風帷門外青山困品題足躡盡知齊
是假膽嘗爭奈越猶棲任教別後書盈篋贏得年
來氣暖臍聊與老農歌帝力一缸村酒薦豚蹄

夜雨三首

五月十八日夜雨濟之君祥正之顯之漢卿
子昂燈下酌酒相賀喜而爲之書

元氣淋漓徹九垓那消掩耳一聲雷雨雖不解知
時至雲豈無心出岫來所恨龍潛猶未起大都天
意卒難回等閒莫話爲霖事且對簷花盡此杯
夜半天公號令催卽時驚起阿香雷須知稼穡艱
難甚誰把陰陽燮理來不使魃爲周地虐定應龍
自葛陂回隣家酒熟留連客聊與愁人共一杯
化工寧許著詩催平地俄驚失筈雷行雨夢從巫
峽斷爲霖人自傳巖來老農學稼無多力太史書

年有幾回愛酒陶家纔種秫何如共此卽時杯

用之請還公府用韻拒之

殄寇將軍力自宣幕中議論可回天氣吞驕虜鞭

先著威定并門檄罷傳正恐一隅防飲酒

張漢臣
馬武有

同醉休從百尺笑求田揚雄祿位誰能動始爲侯

芭草太玄

弔劉伯祥

記曾林下見臞仙惆悵紅塵未斷緣不憚廣文寒

處坐屢逢元亮醉時眠難逃辰巳賢人歲有負
鹽太學年落落天才無地用却還英氣與山川

伊闕鵝鸕堂

同王德華子正善卿澤之焦彥昭唐俊卿張
伯宜史正之李文長姚子昂男李楊杜浩然

書壁

千年古道入荒城破屋頽垣一聚塵天地如何收
險阻山川猶覺露精神餘波禹貢朝宗水習俗周

南旣醉人把酒西風無限興黃花時節對佳賓
一日灘流淺自分灘頭鵝鸕似通神大都鸞棘無
多地畢竟烏臺得幾人浮世堂堂春易去隨時局
局事皆新當年靈翼今何在滿目西風動白蘋

亂後寄兄

長劍何人倚太行羶裘入市似驅羊怒降白起不
仁趙死守裴侯無負唐可奈崑炎焚玉石更堪蜀
險化豺狼紫荊猶是堦前樹風雨何時復對牀

萬井中原半犬羊縱橫大劍與長槍晝烽夜火豈
虛日左觸右蠻皆戰場丁鶴歸來遼已冢杜鵑猶
在蜀堪王此生不識連昌樂目送孤鴻空斷腸

別邵陽申伯福昆仲

百里相望邂逅遲如今始得話心期情深堂上留
髡夜興盡山陰訪戴時客舍教人那用送異鄉遊
子不勝悲烟村水驛秦川路來往郵筒好寄詩

郭仲山生日

乘興游山也自賢千金奚羨築臺燕誰爲洛下同
舟友人道江頭弄月仙欲向潼源歸舊隱便從莞
谷種閒田橐駝樹得長生理不解如君養性天

和李唐傑韻

翰墨場中第一人而今委翅在雞羣縱橫詩律凌
徐庾浩汗詞源媿典墳兵氣橫流存此老天心未
欲喪斯文年來草就歸田賦嘯傲南山臥白雲
郵筒寄後憶詩人落落英才迥出群試問槐花忙

幾舉可憐桂子落誰墳浮沈且與陪中立喜愠何
嘗見子文傾破葵心望天表龍庭不日會風雲

隨州長官張鵬舉暨壻陳正文見過

寂寥秋思梗吟懷幾度柴門鵲噪開一話勝看江
表傳百書不及隴頭梅馬催行色日邊去鴈送歸
程天際來萬里龍庭莫辭遠中原事業望人才

剛忠公

未除妖氣斗牛間一夜長星落將壇天意欲將全

節昇人心無奈此時寒斷頭那肯降朱泚血指誰
思滅賀蘭立盡太行山上石我公忠烈不容刊

同濟之游百家巖懷郭延年有感 三月

雨晴閒向百巖游今古都成一段愁老衲解回山

下虎稠禪師真人跨入洞中牛陸真子水流花落三春

莫鳥沒雲沉萬事休有道碑前空墮淚往來誰復
共仙舟

辛丑中秋夜與用亨漢臣濟之君祥子昂仲

寬及諸同志聚飲於學宮陰不見月

節物相催近覺頻勝遊攜酒意何勤幾人白髮對

明月萬里青天愁片雲嫋嫋風高秋已半厭厭客

醉夜將分督郵氣味從來惡今日樽前也獻芹戲

良酒

莫嫌勝日燕游頻且慰寒窓力學勤白也停杯將

問月退之利劍欲開雲清光難比秋三夜痛飲何

辭酒百分况在泮宮思樂地與君共采水中芹

李子楮約同上山督之

踏青時節醉何妨一掬歸心想見忙杖履不須從
捷徑觥籌且莫戀歡場明山秀水家家景野草閒
花處處香休訝登臨無脚力世閒險阻備曾嘗

答史正之

正之至連日清話恨不能文字飲也時三月
晦日

草堂深處百無妨却爲高岑對屬忙

高適岑參村
遙知對屬忙

啼鳥送春歸閬苑妖星亂世跼文場閒花空怨綠
衣使煮酒不隨青杏香見說麴生風味少尚堪留
與老饕嘗

陽城題北臺觀壁

幾年空負北山移今日方知見事遲猶憶王鳧初
去後忽驚丁鶴暫來時雖無壁上題名記頗愧棠
陰聽訟詩指是荒城舊游處西風搖落菊花期

客中寒食

斷蓬縱跡寄天涯劍戟林中閱歲華又值禁烟焦
舉節焦亦作周奈無對月少陵家驚心咄咄催歸鳥觸
目冥冥濺淚花老後愁懷誰遣得未應端的酒勝

茶

和徐子賢西行留別

便從傾蓋話詩情風雨端能落筆驚金馬謾誇三
學士碧油曾見一書生竹溪花圃留連醉水郭烟
村取次行自恨年來懷抱惡與君相別但吞聲

姪謹甫鞏縣寄魚

掣三牽兩得沈腥顧我庖廚遠未能幾度敲針無
處釣一朝醒酒不須冰居官止合如羊續命駕何
須學季鷹當念家風本寒素莫從今後爇饒燈

母師聖醉中落水用郭進之韻

無人橋上醉婆娑脚力危時可奈何賀監未應真
落水屈平到底也隨波浮雲世事黃梁夢斜日秋
風薤露歌點檢交情能有幾柴門今後雀堪羅

下鰲背

浮雲蹤跡去留難谷謗巖嘲勒我還畢竟一身無
著處大都百計不如閒無多伎倆三休外是亦風
流二老閒昨日主人今日客回頭山色若爲顏

許司諫歸來圖

社稷憂深志未舒陸渾山下賦閒居幾年不復朝
雞夢一旦翻隨隴鶴書 朱雲徒折檻寵踰疎

傅 懸車商巖了却和羹事方信旁求信不虛

寄伊陽令周文之括戶

幾年客裏厭馳驅故向伊川好處居剛受一塵同
許子誰知四壁過相如厥田不稱中中賦此事真
堪咄咄書疲俗脂膏今已盡看看鞭算及舟車

和子楮秋晚出郭

陶寫詩人得句忙舊游能復憶嵩陽山頭雲霽雨
聲歇水面風來花信香今日事雖非向日故鄉景
自勝他鄉杖藜忘却尋歸路獨立河橋詠晚涼

戲嘲

江西社裏幾詩流詠月嘲風未肯休得句不能當
競病措辭那敢向春秋笑翻王氏三珠樹驚倒張
家五鳳樓帶繫雪詩三十韻勝如騎鶴上揚州

送史邦直入洛

肉山南去汗如流了取公家事便休征棹不霑瓜
蔓水歸裝莫待蒟花秋忙中暫過平嵩閣別後頻
登望省樓若問鶴鳴近消息翅翰飛不到揚州

和竇君瑞

勒石燕山後世名

憲

子孫蟬蛻起風塵

融

誰憐喜

鵲飛來意

由

自歎靈椿老大身

禹鈞

愁見灌夫杯

酒過

嬰

夢驚蘇蕙錦書新

滔

幾年客裏無情話一

笑相逢姓麥人

竇子温宅爲有力者所奪

謾勞買宅著千萬此又卜居何所從得把茅來頭
可蓋但教窓下膝能容尚憐相賀巢邊燕知爲誰

甜花底蜂速向元龍問閒舍暫將一榻過今冬

子榮途中見憶有先生在世人中龍三十年
前到月宮之句依韻謝答

高樓日日望元龍黍離離閨故宮兩地謾看千
里月五湖能借半帆風囊錐穎脫何難出名紙毛
生未肯通好在沁陽山色裏一塵寧許寄揚雄

弔曹慶之

杯酒中間氣沓拖從教千丈起風波絲棼世事無

一可花落人生得幾何
休向棘林長夜哭
試聽蒿里送行歌
豈容身後鍾君在
阿鶩如今嫁者多

弔王德華

衰鬢愁添鏡裏絲
流年恰及夢中著
可憐白日佳

城地正值黃楊厄
閏時

丁亥閏十一月

撫柩恨深元伯母

負薪情慘叔敖兒
髑髏不識生前樂
枉却招魂費楚辭

贈醫郭顯道

小隱嵩陽種德時
智能博物物皆歸
籠中無愧狄仁傑
山下常逢臺孝威
子細論來生可養
斬新卦得遜之肥
麤疎誰似嵇中散
幽憤詩成憶採薇

焦彥昭失中子

相逢地下果何如
自謂情鍾亦太愚
未必珠能空老蚌
豈期玄不與童烏
且憐商也無三罪
尚喜徐卿有二雛
萬事盡歸天予奪
速宜收淚謝玄夫

春溫軒

三尺枯桐膝上橫一彈洗盡綺羅塵芙蓉城裏誰
爲主姑射山前別有人雲雨不侵行處夢丹青難
寫醉時真早尋林下乘鸞侶莫遣春溫過却春

索和長平諸詩友送行韻信筆奉呈君玉閨
之資客中一笑

青春人物正當時咫尺雲天快樂披相見便如膠
漆密此行還似箏弦離方傳細柳將軍令或賦甘
棠召伯詩待得一朝公事了聯鑣西去未爲遲

此身莫輒犯針氈只合浮沉委自然久墮風波人
海裏暫依雲漢使星邊斗升乞活真堪笑青紫歸
耕亦可憐早晚皇家重名器著鞭當在祖生先
老覺麤疎過往時赤心今始爲君披交情大抵無
新舊人事從來有合離見說片辭能折獄未嘗一
話不言詩河東自古文明地可惜儒冠感遇遲

又和前韻

昨晚蒙降臨無以爲待早赴院謝聞已長往

何行之速也因去人寄達少慰客中未伸之
志耳

縱橫入市盡裘羶一旦衣冠氣索然豈信魯連歸
海上頗哀屈子老江邊汗流石馬誰堪恨草沒銅
駝世所憐莫憚區區困刀筆論功終讓指蹤先

任仲山談西府事

德音到處下情通喜動山城百歲翁和氣挽回中
國化威聲振起外臺風少酬漢使澄清志不愧周

官燮理功南北封疆歸一統太平立法自河東

唐臣滿月洗兒索詩故賦

兩滿月

白頭休恨夢熊遲却是人閒久遠期有客已爲摩
頂記爲君復草弄璋詩一從老蚌生珠後再值姮
娥月滿時咫尺昂霄看英物不須女子作門楣

女

有

留題靳載之園亭

幽徑疎籬竹外村淡烟斜日水邊城地形占斗辨

南北風俗以人分重輕坐上有山圍似畫樽中得
酒論如兵青春將種多才調拂袖林泉恐不情載
之斬千戶

送參謀劉君祥

寂歷書齋獨坐寒白頭羞見雪中山虛名得失蝸
爭外浮世榮枯蟻夢閒半夜朔風催客起幾時新
月望君還鶴鳴林下無人共何處烟霞不可閒
馬首風花拂面寒十年兩度過陰山浮雲莫莫朝

朝裏行鴈兄兄弟弟間大抵故鄉生處樂莫教明
主放時還如今造物尤難料枉使深心不得閒

中秋

共對青天好舉觴從前三五是尋常一年佳節秋
將半萬里清輝夜未央纔向缺時舒窈窕欲從盈
後歛光芒姮娥曾得長生藥我欲停杯問此方

郭子雲酒熟同李茂卿史正之豪取不許

愛錢措大眼孔小病酒先生舌本乾債是尋常誰

不有囊嫌羞澁且留看三人未必一人損豪氣難
忘習氣酸眊睩相逢欲空去從來如此四并難

再赴陽城用前韻別茂卿子雲正之

誰使腰閒印欲懸不知面上唾纔乾先生敢以督
郵去坐客莫將官長看祖席又成攜手別離杯何
苦上眉酸且休凋落高陽社來往雙鳧也不難

清明席上同史正之姚君寶子昂

浮雲雨後自縱橫不待風收放曉晴百計花期成
漫興一年春色過清明誰家鑽燧罷藏火何處吹
簫猶賣餠回首故園魂欲斷鳥飛只是片時程

悼亡

須信人生足別離別離不待白頭時因憐曩日在
縲紲豈憚今朝炊屐屐中道奈何奔月去此情惟
有落花知眼前活計無聊甚空對當年紙局碁

段侯行春顯聖觀喜雨

癸卯季春小旱清明後七日段侯正卿行縣

金言卷四十六
同會名流勝士五十餘人於仙翁山下之顯
聖觀須臾雨作自未至亥而止大滿人望酌
酒相賀莫不盡酣適之與張種德有詩因和
韻以紀其勝元帥申甫段玉使姚昇書於壁
行春冠蓋暫躊躇誰信東山面目疎興盡奚勞風
送客氣和不覺雨隨車移民雖恨梁加少腐粟尤
誇漢有餘獨歎吾儒有何貴自今牛角莫橫書

人種
田事

傷
儒

寄答趙公定

他人共折依依柳居士但飲薄薄酒豈其必取齊
之姜又恐不爲白也母雖然客或許敦龐慙愧我
無白璧雙更向稠桑老人卜準備買紅纏酒缸

姚子昂壽日

二月初三

門外風光二月初衣冠把酒慶懸弧一生接物無
腸蟹萬事隨緣短脛鳧坐上書空窺草聖醉中疥
壁笑詩奴年來世事俱嘗遍只合千金養客軀

又用濟之韻贈子昂

綿綿宗派自何時借問吳興第幾支書愛換鶯功
不到獄因劾鼠法先知爲秦徙木思無地在漢高
門福有基此去鄉間結仁愛請君聽取忍齋詩

爲劉益之營中上王懷州

自分毛錐不入時如今尤恨掃門遲徒勞魏氏貪
雞肋却笑虞人望殺皮未有赤心相待處奈何白
髮是歸期儻令扶病還桑梓橫草難忘報所知

瓊帳連雲逐日移胡笳月底不勝悲中原爲患有
驕子造物戲人如小兒馮鈇縱彈無便去晏驂未
解有誰知天涯回首消魂處故國霜前鴈過時

錦堂碧落壽席

年五十一

年光過隙一何忙知命年來百念忘公事了時陰
德大塵緣斷後道心涼未償勇退求閒志先得長
生不老方共勸十分添壽酒莫辭酪酏醉山堂

答張文玘見戲

金鑑詩卷四十六
三
邂逅騷人興愈多不知賜也許全科君尤老去詩
魔在我奈新來技癢何但幸近無阿買寫憑誰副
與雪兒歌一從探得驪珠後驚倒中洲蚌與蠡

贈奴

劉氏甥十一月二十一日生籌堂子

白髮因緣短犢車可憐小德外家無蚌生珠後何
嫌老鳳有毛時亦自殊會看伯仁興絡秀不妨節
信論潛夫劉生誰謂難成事將相從來有種乎
喜事相尋種種來豈期天意一朝回璋從弄後熊

無夢月到圓時蚌有胎便可字教阿買識那消錢
爲窟郎堆賢愚懷抱俱休挂且盡罇前露頂杯

和楊之美韻

光華異域仗全才銜命怱怱出吹臺物外英標傾
水鏡坐中妙語落瓊瑰節回北闕旋如斗名振西
陲聽若雷若踏賀蘭山下石國風未合入詩來

和河上修橋

故里風光衣錦遊賦詩誰與共臨流相逢依舊山

金鑑詩卷四十七
青眼也有何愁浪白頭官渡方當橫槩日合肥正
是著鞭秋坐間有客誇雄辯不念題橋志未酬

御訂全金詩增補中州集卷四十七

金元好問原本

李俊民四

和秦克容來韻

白頭羞入利名場得得歸來自遠方何日詩豪離
上黨去年道話憶山陽可憐杜宇訴亡國還笑沐

金詩卷四十一
猴思故鄉不意閒中春色早黃鸝啼破謝家莊

癸酉榜後寄姪謹甫

第一科

萬軸牙籤未是多十年辛苦短檠歌敢忘奕世箕
裘業忽玷清朝甲乙科我已夢君三舉後君如輸
我一籌何二疏此去人方識名字先應報大羅

和安齋見寄調祁定之

麻衣補破紙爲條不羨仙人宮錦袍天地老於雙
轉轂山河眇似一秋毫煉深寶鼎丹砂就瑩徹靈

臺夜月高上界而今官府足暫游塵世莫辭勞

一字百題示商君祥

風

汝未聞天籟簌揚箕有神能清常侍暑不動庾公

塵

月

過圓旁死魄過缺哉生明尚賴玉斧手再修然後
成

雪

細看花是雨將見麥宜秋度臘無三白梁園誰與游

山

功名雙鬢雪心事數重山山下人家好終朝爽氣間

泉

滾滾勢長往泠泠味自清擬將修水記何況有詩

情

暑

人間三伏暑海內一薰風獨詠微涼句公權似不公

寒

廣厦十萬間吾廬弊獨寒猶將折絃琴欲和薰風彈

晝

冬之日何速夏之日何遲山中無曆日遲速兩不知

夜

令乎日之夕政乎日之朝一罇待君子風雨會良

宵

晴

展盡舒長景銷殘片段雲區區負暄子炙背不忘

君

陰

朝見白雲縱莫見白雲橫不作及時雨何為點太

清

花

惜花不論命看花須努力能得幾時好狂風妬春

色

蓮

碧因圓更展紅向老猶粧鏡裏風流在人言似六

郎

菊

色笑秋光淡香嫌酒力慳東籬在何處客裏見南

山

草

日沒露易濕日出露易晞人生大都幾王孫胡不

歸

燕

社後來何莫梁間話頗多巢泥愁未穩無面見淘

河

鴈

俄見天邊字徒銷客裏魂一書言不盡為我叙寒

溫

鷗

江靜烟籠雪天晴水浴衣漁歌驚不起物外兩忘

機

鶴

去家丁令威化身徐佐卿不戀乘軒寵九臯堪一

鳴

蝶

元從生處樂肯向死前休花底人間世如何不夢

周

龜

汝殼將自遮汝腸還自剝可憐一底板雖知不如

愚

魚

華亭載月船長安遮日手一網腥城市吾於爾何

有

蟹

食必視本草貴在精物理蔡侯何鹵莽幾為勤學

死

儒

秦坑秦卽孤魯戲魯奪削伊誰蹈前軌可謂束高

閣

道

自知身是患常謂道無名欲作間中友隨緣論養

生

仙

千載遼東鶴雙飛葉縣鳧應憐塵世裏無地着臞

儒

蟬

見桃渾不悟對柏未嘗參虎嘯龍吟子風雷振一

龕

醫

愈風陳有檄止瘧杜能詩雖然醫者意何意亦何

醫

卜

棄置復棄置其然豈其然百錢聊爲我更看小行

年

客

渺渺忘羊路悠悠化鶴身人間同逆旅誰主復誰

賓

農

賣劍田園計温家種樹書新年無罪歲事事有乘

除

牧

蓑底因緣曲腰閒敲棘鞭月明歸去晚想見葛洪

川

射

手撚金僕姑身出矍相圃不穿百步楊志在闕

獵

終日無獲禽古人獵在德非德為禽荒獵食吾不

食

詩

裁作牛腰束愁於飯顆山近覺故步窘十債九不
還

書

入室五千卷插架三萬軸何似曬書人坦此便便
腹

筆

不見中書君不聞老成人為君作佳傳繼者皆尖

新

墨

松閒老潘谷何處得玄圭速置薔薇露詩仙醉欲
題

紙

慙慙翰林主揮掃驚風雨滴滴是玄珠點破先生
楮

畫

有意皆堪譜無言總是詩潭潭居相府此譽不妨

馳

琴

陰壑鳴松籟空巖嚮石泉此聲并此意誰得寄微

弦

棋

縱橫連井地明暗列星圖兩角觸蠻戰一家瓜葛

無

劍

帶牛移漢俗匣刃出豐城安得治復古器農不器

兵

茶

人多愁水厄若箇有詩情靈草還知我平生事不

平

師

絳帳風流遠青襟禮貌驕定須防射羿何必問嘲

韶

學

邑化絃歌地隣慚俎豆風二三言志子六七詠歸

童

仕

雖有乘桴意能忘出畫情一官百僚底是亦道之

行

富

狼籍胡椒斛破散堆錢屋不見貪者愚求榮是求

辱

貴

鴟得腐鼠嚇犬笑狡兔死唾手功名場不知憂患

始

貧

書生祿有籍造物費亦省顏回一簞食不得盡晚

景

智

樂在知幾早憂因見道遲遙憐鮑莊子人笑不如

葵

愚

膏以明自煎薰以香自薪善哉柳侯意一字辱溪

神

老

尊年鄉飲禮擊壤太平歌甲子君休問光陰得最

多

名

求為天下士所望不亦厚得少失有餘何況在身

後

友

偶因勢貴賤乃見朋得喪歲寒山陰雪獨有戴可

訪

身

全金詩卷四十七
黃卷平生志青山見在緣百年今已半只合鬪樽
前

影

相對鏡中真相隨月下人我今來忘我身外還見
身

坐

一軒容膝安半世行脚債龐家老居士舉似無生
話

卧

一室散天花一榻颺茶烟家風嗣阿誰殘月曉風
禪

笑

和氣須懽伯開顏只孔方世情如苦海件件可闕
堂

吟

冥搜腸亦苦隻字得之難作者有六義惜哉坐一

寒

醉

愛此真珠滴能於大道通與君同舉白憐我獨潮

紅

醒

暫出陶陶境那禁種種愁舉觴邀明月却帶醉鄉

侯

舞

野鶴聞琴態孤鸞覽鏡妍為君小垂手無地可回

旋

睡

客隨陶令遣齋甚太常嚴儻或非黃奶那知此黑

甜

夢

物外日月忙人間憂患長休談夢中夢萬古一黃

梁

歌

大音聲自希賞音人亦寡寧可逆汝耳不可廢作
者

傲

王公輕以道富貴驕以志我見高尚人蓋有高尚
事

閒

太傅懸車里仙家避世壺老妻爲紙局坐隱是功

夫

懶

交有書堪絕師何記可嘲不僧亦不俗似癡還似

高

話

萬事就庾談一心對芝宇不思炊作麩但見風生

塵

浴

子春恐事敗
終之坐水淫
二者過不及
何如我洗心

歸

世路雖多梗
吾生豈繫匏
西風倦飛翼
樂在一枝

巢

別

更盡一杯酒
出門行路難
送君過南浦
忍淚凭欄

干

忍

氣留臍可煖
唾使面自乾
無怨亦無惡
此腹如此

寬

蠶

蠶月始條桑
悤悤婦姑忙
天寒授衣節
婦姑無完

裳

織

泛槎驚誤客
折齒笑狂隣
不作回文字
愁嫌愁殺

人

春

斷木纔脫粟濕薪空爆竹朝餐動及午奈此雷鳴

腹

炊

旅食寄天涯愁如桂玉何莫忘生處樂聽取屢屢

歌

砧

對影無情石關心寄遠衣天涯鎮長客鴈後不懷

歸

琴 此以下四首和籌堂

山水有清音琅然出枯木若教俗耳聽絲竹不如

肉

碁

森森戈戟心盡在皮裏着傍有爛柯人點破都是

錯

書

一坑科斗灰難破祖龍惑三兩挾策人今誰席肯

側

畫

手與心相應妙處在咫尺筆尖多少鋒揮掃天地

窄

東郊行

四海尚干戈幾人知稼穡青青原上麥忍放征馬

食

書壁

世事紛紛變人生種種愁行年三十九得歲又平

頭

避亂

雪巖依日煖霜樹弄風悲山似王維畫人如杜甫

詩

資聖寺壁

是誰將壁疥盡可着紗籠今代無詩史何時入國

風

別陳之綱李得之南子榮

時在宋

已兆池魚禍尚多風鷁過寄與遠遊人莫待驢行

貨

戲高廣之

一飲遇伶婦一飯值丘嫂徒教乞米僧時時送盧

老

雨後

新秋積雨霽涼風吹我衣歲月不知老乾坤何處

歸

九日答朱壽之

與客登高處節物傷遲莫不見白衣來三復秋風

句

竹林

初見錦綉脫氣已傲霜雪天寒十萬夫未聞一死

節

柏徑

歲晚節自抱足見有心哉游人從何處帶得春風來

槐亭

蟻穴功名重或作封侯夢主人心已閒不為黃花動

稻塍

一水自縱橫厥田無上下居民不佩犢歲事在秧

馬

儒

世治其術重世亂其術輕太平然後用用然後太平

蝶

轉首一場夢驚心三月春揚揚枝上蝶不見惜花人

熊白

所居無禹廟有官升典籤掌亦我所欲二者不可兼

雪菴題錢過庭梅花圖

已把神傳畫譜又看格在詩評月落難尋清夢雲
空乃見高情

示姪輩

諸阮以富相誇二疏恐財爲病濟叔不羨金埒勸

兄曾有過命

淵明歸去來圖

先生從來寄傲肯向小兒鞠躬笑指田園歸去門
前五柳春風

中秋

三百六旬歲周一十二度月圓試問姮娥甲子和
閏到今幾年

郎文炳心遠齋

竊笑濫巾北嶽那能補衲中條自有胸中丘壑不
妨隱向市朝

伯德仲植張長史帖

莫就嚴陵買菜無勞逸少換鵝但得雲烟一紙那
在鄴侯書多

戲沂公巨川

八仙詩裏蘇晉三笑圖中遠公選甚逃禪破戒我
師自有家風

戲武夫韓公

論功終是獵犬見事不如擒虎我願一識荊州人
道莫逢玉汝

結柳未送窮車弊衣先入歌院雖得蕭何指蹤難
與老子同傳

史遂良酒債四首

都因焚券家貧親與當爐人賣問得街頭酒價索
取江頭酒債

酒誥一篇既出離騷亦可不作愧我家無阿堵笑
他人飲狂藥

滌器不辭親酌過門無奈客惡未嘗解下金龜必
能畫得黃鶴

從來歡伯氣和何故督郵味惡陶令無錢但賒潘
子着水不錯

竇子温江山圖

醉裏扁舟烟浪望中幾屐雲山長天秋水一色明

月清風兩閒

猫犬圖

狡兔空有三穴首鼠漫持兩端我輩天生健武從
渠股慄心寒

北窓高臥圖

問字不得兀兀借書不得陶陶誰遣人來送酒枕
邊正讀離騷

雪谷早行圖

全言卷四十七
三
積素茫茫縞夜流光耿耿揚輝行人抵死貪路何
處家山未歸

史正之喪子買得

陸郎初見懷橋阿買頗解識字或恐西河喪明忙
爲東野收淚

靈照女

留下一重公案有女誰似龐家不試提藍手段若
爲點破丹霞

錦堂四景圖

春水滿四澤

淼淼舒如羅帶鱗鱗皺似縠紋誰道臥龍不起須
與變化風雲

夏雲多奇峯

幸得從龍變態尚何出岫無心正苦人間畏日不
思天上爲霖

秋月揚明輝

金言卷四十一
清光一片如洗西去姮娥耐秋可惜廣寒人老誰
將玉斧再修

冬嶺秀孤松

山前傾蓋獨倚雪裏盤根歲深千年老鶴相伴誰
似蒼髯有心

御訂全金詩增補中州集卷四十八

金元好問原本

李俊民五

謁秦吳二主廟

三月十八日與馬子溫郭謙甫楊茂之叔姪
劉濟之君祥仲寬姚子昂邢文炳同行

全金言卷四十八
顏垣墜殿夕陽中血食須同事不同揖讓干戈兩
陳迹醑觴拋與落花風
杖藜行處記曾過草草杯盤野興多舉目山川縱
如舊一場夢抵幾南柯

中秋夜夢

中秋前一日夢入僧寺來往人物有送別意
須臾有一麗人於橐中出一春衫再四整疊
欲相贈閒而雨作趨避漏屋中其人行歌而

至雨立聽之歌未終而覺故爲記之

征衣不用贈春羅試聽樽前一曲歌爲問從來雲
雨事如何偏向夢中多

讀項羽傳

鴻溝時暫割山河楚國山河一半多欲去故鄉誇
富貴不知沛有大風歌

糟筍

甕中有地可藏真子子孫孫麴蘖醺誰是聖之清

者後此君應負此君君

伯夷孤竹君之子

新樣團茶

春風傾倒在靈芽纔到江南百草花未試人間小
團月異香先入國川家

重午偶題

只爲離騷話獨清至今猶恨楚君臣魂招不得歸
何處閒氣都留與艾人

子猷訪戴圖

雪後山陰本乘興似非特爲故人來縱能一見戴
安道船未回時心已回

和籌堂途中卽事

悠悠旌旆出山城世事驚心幾變更水郭煙邨誰
是伴老夫矍鑠尚堪行

斗酒中間詩百篇錦囊新句落誰邊無窮山水吟
難盡說似畫師僧巨然

指楊舅彥明

船子和尚圖

千尺絲綸在手中月明歸去滿船空寒江豈是魚
難釣釣得還將不釣同

和河樓閒望

孟州

去去來來不繫舟至今師度幾時休洗兵豈是天
無雨盡逐黃河入海流
一夜長空落將星不知誰抱越人冰中原可惜衣
冠地自古以來多廢典

用籌堂韻

清樽莫惜再三開別後何曾得好懷爲向綠衣花
使道杖藜不是等閒來

答滿法師

此身分副水雲間不見高人得句難待學江西立
公案便宜築箇小詩壇

和秦禪

淡泊生涯分自甘十年霜葉碎青衫忽從問道山
前過牧馬之兒是指南

全金言卷四十八
四
橙數珠

水月禪師有橙數珠竹如意恨不見作者之
句鑿空道其髣髴

典刑釀出洞庭霜只取青圓不待黃凡俗盡從千
佛轉忘言老宿但拈香
從頭細轉梵王經一串秋香得洞庭爲報重甦當
自惜莫教落入念珠廳

竹如意

曾爲彈琴指甲傷有時曝背竹書光不須爬癢倩
仙爪忍待一朝春筍長
卽時參得指頭禪說似家風玉版傳一日佛堂光
自放我師歇在古靈前

雪菴二梅圖

老樹風光百不堪畫圖髣髴見江南爲君試草花
閒賦未必心腸似雪菴

贈碧落和講主

蕭蕭古寺掩松間
雨後無人草木閒
掃地家風誰
舉似我師特特爲開山

跋寶子溫江山圖

森森澄江欲拍天
參差烟樹老江邊
舉頭不見長
安日一棹秋風載酒船

留別草堂諸友

青山莫厭往來頻
野鶴孤雲自在身
客路傍春風
色好明朝便是遠行人

裴公亭

青山如畫水如藍
自笑平生性僻耽
樽酒留連妨
逸興不能一到侍中庵

與奉仙觀道士元明道

野鶴飄飄性自高
徘徊塵世豈難拋
棲真舊隱無
多地何處仙山不可巢

富公草堂

青山重疊水縈回
山水中門幾往來
風物不殊人

世改中州何處是昆臺

謝楊成之

與客西從濟上回明朝扶杖到雲臺一樽相送休
頻勸留作山行軟脚杯

答籌堂見招

須信人生足別離相看能得幾多時浮雲一片無
根蒂去去來來自不知

日日相倍鶴髮翁烏紗白葛道家風火雲堆向山

南去暑氣蒸人似甑中

俯仰隨人亦自欺精神無復似當時年來世事俱
嘗遍只有閒中味不知

冠世聲名蓋世功尋常杯酒坐生風區區問舍求
田客盡在元龍一笑中

日日言歸未得歸白頭纔是入山時依前却趣道
遙出暫愧山靈我不知

誰謂長河不可通只消送客一帆風故人別後情

偏重猶恐相逢是夢中

史遂良壽日

任他白髮不相饒兩頰春紅醉裏潮
今夜鳳凰臺上月未知誰可共吹簫

和王李文襄陽變後

將軍橫槊面潮紅一舉淮南掃地空
堪笑楚人無伎倆至今猶說馬牛風

張羽卿出家

絳帕蒙頭讀道書孫郎見後肯容無
休將僂倖乖名教天上臞仙卽是儒

鼇背元夜

山市家家秉燭游風簷齊挂月燈毬不須更用閒
妝點人在鼇峯最上頭

許司諫醉吟圖

席地風光引興來不辭白髮被春催
眼前有句貪拈掇閒却梨花樹下杯

秋江斷鴈圖

不堪愁裏見秋光
江北江南木葉黃
誰信朔風猶跋扈
天涯吹斷弟兄行

遊石堂山

與史正之王廷秀姚子昂郭顯道李廣之同行

雨後青山畫不如
算心人去有誰居
紫雲空鎖神

清洞不見丹崖四字書

邢和璞算心處歐陽文忠公神清之洞

句龍廟

溪行十里氣如蒸
危檻憑虛不厭登
咫尺仙山在塵世
杖藜來往幾人曾

煙山疊嶂圖

揮毫落紙生雲煙
江北江南水墨天
愛畫主人胸次別
臥游不用買山錢

千里江山圖

曾把雲山爛熳酬
杖藜隨處賈胡留
如今脚力那

千里水墨中間只臥游

答祁定之

歸袖迎風拂面埃青山望處白雲埋如何千載離
家鶴學得仙時不便來

戲贈

布袍襤褸化風埃是處青山骨可埋三笑家風
時了我師容易去還來

雪中寄

秋空一洗絕纖埃著脚街頭雪半埋試問希真門
下客衣裳曾有葛三來

不寐

露下中庭鶴睡驚娟娟缺月照窓明夜深讀罷牀
頭易紙帳梅花夢不成

西山問羊

淡泊不禁頻晶飯尋常無以致瓊根西山繭耳多
於石肯與書生踏菜園

莫秋有感

亂鴉無數噪寒林
林下風吹落葉深
惟有黃花枝上露
向人猶似泣殘金

卽事

將軍下馬氣如虹
書生折腰曲如弓
好山無限歸未得
白雲慚愧渡溪風

卽席

秋色南山氣勢高
坐閒牛酒話麤豪
自憐萍梗天

涯客俯仰隨人似
桔槔

陸渾佛髻山

十步都無一步平
往來人似畫圖行
可憐一派溫泉水
不與荒山洗惡名

湯下寺壁

滾滾龍泉自吐吞
誰能箇裏混光塵
再三遶壁尋題句
饒舌山禽不避人

跋背面彌勒

萬里千山特特來，謾勞皮袋走塵埃。
橫擔拄杖明州去，世上誰能喚得回。

題斷碑

節物催殘卧夕陽，豈無神物護文章。
一從薦福雷轟後，片石猶爭日月光。

遊青蓮寺值巨川彥廣二上人出

寂寂荒庭落葉堆，與誰重上遠公臺。
青山不解留人住，立盡秋風
來

戲曹漢臣

一見高僧話亦高，醉中往往愛禪逃。
爾曹自謂曹溪後，不怕曹溪笑爾曹。

碧落院松

霜幹亭亭聳碧空，幾年春雨養髯龍。
也能說得菩提法，何處人間有萬松。

陶學士烹茶圖

天寒對酪奴，竹閒雪鼎與風爐。
書生事業真

堪笑却謂粗人此景無

修武騫林觀

道經天上有玉京山騫林觀

帶雨阻登臨往事看碑或可尋不是青牛洞

中見人間何處有騫林

射虎

逐鹿中原鹿已無功名那在一於菟分明射中南

山虎李廣原來不丈夫

答籌堂

寄詩有青燈佳話正當時之句見其戀戀之

至也用來韻答

休嫌堂上聚星遲

懷宮有聚星堂

邂逅人生似有時雞黍

恐忘今後約預先報與巨卿知

參謀王君玉魏文侯冒雨出獵圖

冒雨入山林畢竟馳驅獲幾禽自是魏侯言

不負當時只合獻虞箴

抱樹石

火餘介子身猶在
槁立鮑焦心愈堅
欲向前村問遺叟
石荒樹老不知年

和王成之梅韻

踏雪尋芳路帶沙
南枝初放兩三花
高樓寄語休吹笛
留取春風與大家

狂風

春光著物酒加濃
白白紅紅眼界中
又是一場蝴蝶

溪竹

崎嶇一徑逐溪斜
泛泛溪流帶落花
爲問風前雙燕子
銜泥飛去入誰家

吳神

山頭多少往來人
香火爭將瓦鼎焚
簫鼓下山人
漸遠晚風吹起一溪雲

過古塞

繫馬垂楊日半斜
荒村籬落兩三家
可憐華屋生

存處瓦礫堆中幾樹花

大陽與諸友話舊

尋芳來入杏花村見客人人有典刑不用看碑問
前事坐閒一話卽圖經

郜氏院看花

花枝不耐寒就中姚魏欲開難賞心未愜空
歸去更待明朝爛熳看

長平懷古

趙括雖能讀父書長平一舉見規模縱橫戰國俱
陳迹只有青山似畫圖

古松

爲嫌紅紫汙家風故向春來學種松祇恐等閒兒
女輩輒將斤斧損髯龍

勸行

衣錦山前往復來莫教酒興盡時回前村見說無
深巷留向谿堂把一杯

留別

耳畔頻頻杜宇聲
馬頭山色翠相迎
一杯不盡留連意
送客風來便好行

送母受益之洛陽

有心待種洛陽田
早起西風送客船
借問梅花堂上月
不知別後幾回圓

寄大師孫仲遠講道經

鶴骨仙人別後臞
無由得近嘯臺居
我師不了孫

家事絳帕蒙頭說道書

德老瑞竹二首

主人本望鳳來棲
遂把孤根特地移
不念平安猶未報
誰教節外更生枝

籜龍日日斧斤間
可惜孤根托處難
待得上番成竹後
一枝還作兩枝看

山前偶得

白頭來往話難親
琴酒重尋別後雲
縱使山英不

相棄奈無面目見移文

爲徒單雲甫作

萬里相將鶴髮親
倉惶未拂綵衣塵
眼中滴盡孤寒淚
誰是同門請粟人
男兒糊口在四方
聚蚊成雷不可當
孝哉穎叔豈無恥
恐君之羹猶未嘗

過碧落寺

流水溪邊一徑通
參差殿閣倚晴空
東林少箇開山祖
何處人間有遠公

古寺荒涼不記年
庭松相對欲參天
入門不見溪堂主
祇恐蒼髯是老禪

趙

欲憑從約抗強秦
完璧那能係重輕
兩虎共圖全國計
豈無一術救長平
紛紛列國事縱橫
誰似邯鄲得地形
會罷澠池方氣勝
不思嫁禍有馮亭

觀射柳

羽箭星飛霹靂聲追風馬上一枝橫平生百中將
軍手不意今朝見柳營

戒酒

誰肯收心醉六經只言酒是在天星若能讀得離
騷後學取先生半日醒

遊青蓮分韻得春字 并序

巳亥莫春十有八日劉巨川濟之瀛漢臣王

特升用亨郭甫仲山姚昇子昂史顯忠遂良
同遊福嚴禪院與巨川彥廣二山主道舊兵
革之餘不勝感嘆仍以春山多勝事爲韻賦
詩以紀其來

四面山圍故故青茶煙榻畔坐忘身與師貪論安
心法門外飛花送却春

慈氏閣

金碧相輝跨杳冥憑高佇日記吾曾勸君試倚欄

千金詩卷四十八
千望愧我今無脚力登

出山

興盡東山命駕忙
斷雲微雨兩商量
出門卷地狂風起
送客何須爾許狂

水簾

倒傾蛟室瀉瓊瑰
派落空巖雪浪堆
卷地封姨收不起
素娥垂下玉鈎來

柳二首

一年春色到溪頭
展盡眉閒幾點愁
纔得東君暫時意
笑他張緒不風流

千絲萬縷弄風柔
爲愛春陰盡日留
杖履重來有佳處
道人鑿石沼清流

臨清堂

與諸友憩於臺上
須臾四面雲合垂
垂欲雨忽驚平地一
聲雷爍爍驕陽氣
欲回安得靄靄片
時雨臨清臺是望
雲臺

登山興盡早宜歸况是東風送客時只有臨清臺
下水怪人來此不留詩

懷舊

杖藜重到古招提硤石雲深一徑迷不見同來舊
時伴怕看雙翠壁閒題

新安

芳草原頭一望空村南村北落花風可憐當日堆
錢屋寂寂無人晚照中

過二聖王氏故居感戰死者

數仞牆圍石作基幾年風雨長苔衣英雄地迫難
爲計血汗遊魂不得歸

擲筆臺

空山老却涅槃師擲筆臺前且過稀雉子豈知身
後事至今猶傍法堂飛

子榮過家上冢

班超萬里歸無期張翰雖歸如不歸君看畫錦堂

中相十五年前一布衣

名遂功成不肯閒故鄉曾見幾人還
百年扶杖華顛老爭看錢家錦繡山

勉和籌堂來韻

往古來今秋復春
羸顛劉蹶總成塵
蝸牛角上爭閒氣
笑倒南華夢蝶人
氣似陽和處處春
但隨流俗混光塵
須知舌在爲身累
非是是非何等人

四海男兒得志時
歸來一段話新奇
野人不管興亡事
飲恨閒看老杜詩

漢祖龍興自有時
未應六出計皆奇
採芝人向山中老
不見功名一首詩

送潁陽史正之之鄧州

風俗相隣馱舌蠻
杖藜南去早宜還
今年已近強而仕
捷徑休離少室山

贈陳仲和并序

吾友仲和故遼降虎太師之後以廢補官累
階三品喪亂之際相會於山陽年六十有二
神閒而意適手持數珠日誦佛書不輟真髮
僧也因誦飽諳世事慵問口會盡人情只點
頭之句以此意索詩因書以示之
百年浮世落花風漆水榮華一夢空拈起數珠都
忘却大千世界入圓融

和秦彥榮韻

花信風傳閬苑香騰空鶴駕望仙郎當年誰爲看
爐鼎曾得丹砂入藥囊

碧落途中遇雪

出郭山行十里餘據鞍擁鼻一臞儒飛花落
在吟肩上便是藍關遇雪圖

大陽值宿

掃地陰雲撥不開北風吹落豆稽灰相逢父老應
相笑直待山頭白後來

呈濟之

朝醉莫醉幾時休
雞黍人家見客留
聞道麴生行處有
西村明日趁扶頭

留別

故人不寄一枝梅
親到前村雪裏來
興未盡時還又去
爲君更覓煖寒杯

御訂全金詩增補中州集卷四十九

金元好問原本

李俊民六

和籌堂送別韻

山城望斷首重回
猶勸春風馬上杯
有似衛軒當日鶴
羽毛養就却歸來

白髮相逢得幾回
離亭苦勸送行杯
元龍不識求田意
徒使青山笑往來

和河上送行韻

沁南幕客盡詩豪
斧月斤雲得句高
吏部文章笑東野
若爲自比倚松蒿

有芝蘭元宵伴蓬蒿之句

蟻戰圖

聲勢何勞鬪似牛
看看一雨到山頭
大家不肯勤王去
只待槐宮壞卽休

膠膠擾擾戰爭多
歲月循環得幾何
樹下老人觀物化
夢魂應不到南柯

畫鶴

兩翅如輪骨已仙
昂昂只合在林泉
且休相逐乘軒去
自有入謀二項田

二項田應爲鶴謀

海棠露

輕風嫋嫋泛崇光
長恨司花不與香
春睡一聲鶯喚起
却教老眼見啼妝

張氏肯堂

張文定公後

百年蘭玉水邊村
萬軸牙籤席上珍
同隊魚中見頭角
一朝富貴異於人

上陶固嶺

匆匆出郭曉風寒
一片雲收爽氣山
上盡坡陀試回首
人家住在翠微間

野菊

風露叢中取次芳
愁邊過却幾重陽
秋光到處多

無主不是閒花不肯香

席次

不到西山二十春
風光別後一番新
再三點檢樽前客
白髮相看有幾人

驢爲人盜去

磨嫌居士謀生拙
碑恨詩人下道看
好在隔花臨水處
爲誰信轡逐金鞍

長街愁殺鄭昌圖
便是徒行魯大夫
縱復東家借

還許不知泥滑敢騎無杜詩東家蹇驢許我借泥滑不敢騎朝天

淵明歸來圖

一旦倉惶馬後牛衣冠從此折腰羞先生不是歸
來早束帶人前幾督郵

席上戲李巽之

薰風原上麥連雲簫鼓家家樂社神半醉樽前喧
語笑老夫愁獨淚沾巾

和史邦直橋上韻

規模杜預見成功橫截長流跨彩虹亭長莫邀來
往客須防中有奪牛公韓伯休奪牛公

過龍門

流水潺潺漱石根又還懷古過龍門行人但禮龕
中像誰識當年禹鑿痕

七夕

雲漢雙星聚散頻一年一度事還新民間送巧渾
閒事不見長生殿裏人

姪謙甫任長安回

歸去連昌憶舊遊長安回望使人愁只誇楊氏錦
繡谷會上李家花萼樓

枝連葉附本同氣骨親肉疎今幾家但留濟叔易
一卷與送蔣兄麻兩車

母師聖醉歸夜溺伊河抱橋柱而死

日日貪杯醉不醒待將風味學劉伶可憐王子龕
前水夜半寒光落酒星

和張文玘

來詩有匠手今逢老作家之句因用韻和

景物秋來件件佳江山都助與詩家我憐五鬼俱
難送先爲文章結柳車

白髮詩人喜誕誇詞源傾倒少陵家問君讀後書
多少得滿當年惠子車

書生幢下布衣多盡是嘲風詠月家若使烏臺不
彈後看看欲載十牛車

山谷文章六經來汗漫十牛車

數間茅舍老生涯籬落相依四五家不見近來門
外轍故人應駕角輪車

和籌堂送迎偶得

懷抱歸來強自寬相逢賴有舊青山郊原雨後堪
圖畫勾引詩人興不閒
出門天地望中寬馬首濃迎著色山詩句滿前無
可道恨今不復見閒閒

無主分付籌堂好處閒

詩愁誰道酒能寬得句多於飯顙山莫使移文誚
長往工夫那取片時間

和籌堂述懷

長恨周人詠黍離不期親到閔周時一朝小雅廢
將盡何處如今更有詩
白頭相見話存亡可惜漫漫夜轉長煩惱盡無安
脚處出門十步九羊腸

訪德老

月下與君瑞邦直從籌堂攜酒訪德老既而
有詩見示因用韻和

夜投破戒遠公家醉墨成章點不加堪笑穎師無
手段聽琴人似聽琵琶

一朝不飲奈愁何月下敲門載酒過佳句曉風楊
柳畔醉時吟了醒時哦

老杜醉歸圖

花下騎驢不踏泥花間醉後復何之殷勤驥子扶
歸去明日重來別有詩

保漢公廟

倉惶劉氏未能安跋扈將軍力拔山若使楚人如
郤子肯教義士不生還

戲呈節使王子告

喚取佳人舞繡筵醉中往往愛逃禪我無紅袖堪
娛夜翠被薰香獨自眠

戲北臺孫講師仲遠

何處閒田不可耕
山頭烽火水邊營
道人高卧雲千頃
留取南臺與鶴鳴

悼蜀

劍閣誰知累卵危
厭厭賓主醉無時
蜀人不識忠臣淚
剛道嘉王是酒悲

元夜與泰禪洛陽觀燈

行歌聲裏落梅風
爍爍華燈萬盞紅
何似吾師方

寸地一輪明月小
參中

歷陽侯

范亞夫

韓生去世冠軍廢
獨望楚強心亦勞
謾向鴻門撞玉斗
豈知鹿死在金刀

酈食其

多少中原逐鹿人
獨憑片舌下齊城
淮陰不喜書生事
能免他年獵犬烹

四皓奕棋圖

坐看咸陽王氣收豈無人傑自安劉都緣鴻鵠心
長在一局閒棋不到頭

鴻鵠高飛一舉千里羽翼已就橫絕四海

王季文南邁怏怏不得意書此以緩之

大家都待倚欄干摘索幽花草棘閒方便春風無
不到忍教雪裏一枝寒

代別呼延路鈐

森森戈戟亂如麻剛把毛錐傍史家彈缺去年門

下客白頭今日又天涯

襄陽守史嵩

梅花堂小酌與河南馬師共

往來不絕鄭崇門清濁那分北海樽今夜梅花堂
上月與人作箇好黃昏

過濟源

幾年不到竹梅閒天際歸來兩鬢斑一片白雲風
掃盡雙明喜見舊青山

壬寅九日和君玉來韻

山城與客醉陶然日日相陪費萬錢馬上行人幾

時去一杯我欲助離筵

書生紙裹亦枵然欲去街頭拾百錢寄語西風莫
相笑一杯便是菊花筵

和段正卿韻

出入格

悠然相對酒杯閒忽有新詩落坐閒喚起東籬無
限興黃花須待與君看

百計尋閒不得閒功名那取片時閒誰知九日龍
山客却被秋光冷眼看

秋日有感

節氣先凋一葉桐人間何處不秋風梁園勝事隨
流水滿目愁雲鎖故宮

賈佐之以進士充軍被撻

便從甯越立威名可信王尼長作兵著甚不談軍
旅事碧油幢下盡書生

孤村

舍南舍北地多荒三兩

關

士盡歸箕

手未應醫得眼前瘡

解嘲

樽前共醉潑醅香
下馬誰家白面郎
見說千金能買笑
老夫那得一錢囊

王德華默軒

春秋豈敢措一字
賓主不須談兩都
萬事盡皆皮裏著
爲君終日鼓隴胡

對棋

到頭不可託安危
那用搜尋局上機
縱出吳宮陣圖外
陰山未免嫁明妃

送苗世顯歸上黨

故人千里寄書來
長恨天涯喚不回
行路難行澁如棘
歸裝莫待北風催

時河北防秋

跋魯直帖

雞毛不擇三錢筆
蠶尾揮成一幅書
莫使觀江神會得
因風奪去錦囊虛

許道真醉吟圖

斷蓬踪跡寄天涯老去情鍾戀物華回首錦江春
寂寞一杯愁裏賦梨花

道真號錦江漁隱

探官

版圖填寫百官志楮券類排千字文堪笑吾儒多
伎倆一時鬻爵僭吾君

跋馮應之許司諫換羊帖

還思寫論副官奴想見臨池興有餘莫把家雞等

閒厭恐教人笑換羊書

同申元帥遊司馬山

千年古廟映崇岡寂寂空庭草樹荒見說早時求
得雨一池猶有老龍藏

戲楊成之

客路風霜頗倦游出門又是一番愁行人立馬無
情甚扶上征鞍不自由

李晉王墳

雄名凜凜振沙陀爲國功深奈老何多少三垂岡
上恨伶人都進百年歌

游沁園

多少庭臺墮劫灰勝游踪跡幾殘碑風流人物今
誰在水綠山青似舊時

申元帥四隱圖

嚴子陵

羊裘隱跡喚難回曾犯當年帝座來京洛江湖各

天性釣魚臺不羨雲臺

陶淵明

~~迎門見~~笑牽衣回首人間萬事非自是田園有

真樂督郵那解遣君歸

孟浩然

平生只有住山緣北闕歸來也自賢破帽蹇驢風
雪裏新詩句句總堪傳

李太白

全金詩卷四十九
三
謫在人間凡幾年詩中豪傑酒中仙不因采石江
頭月那得騎鯨去上天

大顛圖

星斗文章世所傳狂瀾回在禹功前先生不踏潮
陽路震旦花開幾大顛
一夕投荒萬里行增光日月更誰能相逢盡說空
門話多少人間有髮僧

三害圖

慷慨平西氣不衰勇於三害欲除時流芳已入忠
臣傳何處人間更有詩
挾矢操弓短後衣揚揚意氣似男兒欲憑一怒除
民害可惜爲人自不知

平水八詠

陶唐春色

府西南三里有陶唐廟每至春月傾城出游
祭享

松栢森森護帝宮至今和氣在河東詩人不盡當
時事八景圖中見國風

廣勝晴嵐

府北七十里
有寺曰廣勝
霍山之陽
寺下有海曰大郎

等閒過了萬千峯
偃蹇相看意不濃
洗出青山真面目
祇疑海底有天龍

平湖飛絮

府西五里有泊曰平湖
姑山之東汾水之西
四面皆楊柳如幄
三月上巳居民被禊於此
三月湖邊被禊亭
依依楊柳雨中青
晚來風起花如雪
春色都歸水上萍

錦灘落花

府西門外有汾水退灘
南北二十餘里皆樹桃焉

春風桃葉復桃根
相妬封姨似少恩
無限亂紅隨

水去人閒何處覓仙源

汾水孤帆

府西二三百里有渡口

古渡無人鳥跡多眼前歷歷舊山河
片帆不是秋風客誰向中流發棹歌

姑山晚照

府西五十里有姑射山神人居焉

物外神仙自一家等閒不許占煙霞
只今冰雪人

何處惆悵山前日易斜

晉橋梅月

府西南二十五里有縣曰襄陵北門外有橋
如虹左右皆梅圃

嫩寒籬落似江村雪裏精神月下魂
橋北橋南路分處行人立馬待黃昏

西藍夜雨

府北五十五里洪洞縣之西有寺曰西藍近

汾水一二里遶寺多花竹有水杯池

莫雲深鎖梵王家樓閣崢嶸閱歲華香火半殘僧
入定臥聽窗外落簷花

錦堂四詠

春水滿四澤

一番雨過綠生肥正是桃花欲浪時掠地風來吹
不皺細看面面盡玻瓈

夏雲多奇峯

初見雲從山裏出須臾雲結勢如山一聲霹靂催
時雨雲不能閒山自閒

秋月揚明輝

誰爲天公洗眸子試將把酒問姮娥清光一片已
如許斫却桂時應更多

冬嶺秀孤松

凜凜蒼髯晚節孤雪中傾蓋若旁無一經元亮盤
桓後氣壓秦時五大夫

沁園十二詠

熙熙堂

眼前草木強爭春
往日繁華一聚塵
山水中間賞
心在不知誰是肯堂人

翠蘭亭

蓬艾叢深特地藏
游蜂何處覓幽芳
楚人大段無
分別不識離騷傳裏香

暗香亭

三兩橫斜鶴膝枝
一朝須有返魂時
試看今夜黃
昏月得似西湖七字詩

七賢臺

放跡山陽志尚同
至今林下仰高風
欲將人物圖
中看恐遇生前李衛公

李衛公焚七賢圖

漱玉池

古人觀水必觀瀾
一滴涓流一滴寒
放取黃陂千
萬頃莫教龍口吐吞難

江源亭

有流杯

羽觴到處不容停爭看中流落酒星彼此一時修
禊事未應人物愧蘭亭

屏俗庵

子猷別墅

世上無人可立談眼前只有此君堪當年借得誰
家宅疑是今來屏俗庵

清暉亭

高山森似劍鋸立流水平如羅帶舒人在水光山

色裏笑渠潘閔倒騎驢

富覽亭

天於萬物豈私我領畧風光天不嗔自古山陽景
佳處盡都分付與閒人

桃園

一時得意笑春風不見春風滿樹空老去惜花心
尚在爲君留眼看蒸紅

意在亭

綠水古今洗不盡好山前後勢相連適來荷蕢者
誰子應笑有心哉此賢

涌珠泉

淵底睡龍徒有領沙中老蚌恐無胎疾雷驚裂蒼
苔地迸出鮫人淚顆來

碧落四景

橫峯臥雲

螭龍起後願相從便有人間潤物功一片青山是

歸處無心更逐渡溪風

白雲無心逐風渡溪耳

陰壑積雪

漠漠山陰雪擁門何時天道變寒暄雖然不是回
光地銷得陽和幾許恩

寒泉漱玉

瀝瀝山泉枕畔鳴六根先得一根清從來只向琴
中聽不識徽絃意外聲

枯松挂月

金鑑詩卷四十九
三
門前老樹數難推，獨有栽松道者知。
夜半風催山月上，政當鶴睡覺來時。

周昉內人圖

吹笙

舊曲聞來似斂眉，料應祇恨賞音遲。
梨園傳得新翻譜，著意參差竹裏吹。

汲泉

非關古井不波瀾，祇恨銀瓶一掬慳。
欲助長流御

溝水再教紅葉到人間

剪爪

袖裏纖纖只合存，如何春筍不嫌髡。
金釵墜後無因見，藏得開元一捻痕。

彈琴

休言三尺是枯桐，大抵聲音與政通。
曾得王君意中事，便從絃上和薰風。

學書

數幅雲牋自卷舒
試教落筆看何如
休將彤管題閒句
正要班姬續漢書

